



## Cundiziuns generalas dal contract concernent 'la surpigliada da la direcziun dal project' tras l'Uffizi da guaud e privels da la natira en cas da projects forestals

### **1 Champ d'applicaziun**

Questas cundiziuns generalas dal contract reglan la conclusiun, il cuntegn e la liquidaziun da las incumbensas da la direcziun da projects, che l'Uffizi da guaud e privels da la natira (UGP) surpiglia tenor l'art. 25 al. 2 da la Lescha chantunala davart il guaud (LCG) sin dumonda dal patrun da construcziun.

Las cundiziuns generalas dal contract èn in element integral da la Cunvegna concernent la surpigliada da la direcziun dal project tras il UGP. Questa cunvegna vegg concludida specificamain per mintga project tranter il patrun da construcziun ed il UGP. Divergenzas pon las partidas reglar en scrit en la cunvegna per il project specific, sch'ellas èn giustifitgadas objectivamain.

### **2 Responsabludad tranter las partidas**

Per il donn che resulta perquai che la cunvegna respectiva na vegg betg ademplida u vegg ademplida incorrectamain, è responsabla la partida ch'è obligada tenor la cunvegna per il project specific.

### **3 Responsabludad vers terzs**

La responsabludad vers terzs sa drizza exclusivamain tenor las disposiziuns legalas respectivas.

Las partidas s'obligheschan da manar las tractativas extragiudizialas e las proceduras giudizialas, sche pretensiuns da terzs sa drizzan cunter ellas (per exemplu en lur qualitat sco proprietarias da las ovras).

Sch'il donn che vegg fatg valair da l'autra partida è resultà perquai che la cunvegna per il project specific n'è betg veginida ademplida u è veginida ademplida incorrectamain, ha la partida accusada in dretg da regress.

Sche la partida accusada è da l'avis, ch'ina eventuala indemnisiatiun dal donn stoppia vegg surpigliada – tenor la cifra 2 da questas cundiziuns dal contract – totalmain u parzialmain da l'autra partida, sto tala vegg infurmada – cun conceder la pussaivladad da prender posiziun – immediatamain e cuntinuadament davart la procedura.

En enclejentscha vicendaivla po la gestiun da la tractativa vegg delegada a l'autra partida.

### **4 Obligaziun da prevegnir a donns ed obligaziun da minimar il donn**

Las partidas s'obligheschan da prender tut las mesiras per evitar u per minimar ils donns che smanatschan a l'autra partida u a terzs.

### **5 Custs**

La finanziasiun dal project sto da princip vegg garantida trant il patrun da construcziun. Per ils custs subvenziunabels po vegg concedida – tenor ils art. 48 ss. LCG – ina contribuziun chantunala.

Ils custs per la direcziun dal project tras il UGP na veggan betg mess a quint al patrun da construcziun.

### **6 Assicuranza**

Las partidas èn responsablas per lur atgna assicuranza.

### **7 Disputas**

Eventualas disputas schlian las partidas sche pussaivel en moda consensuala. Sch'ina soluziun consensuala duess far naufragi, decidan las dretgiras ordinarias. La cunvegna per il project specific e las cundiziuns generalas dal contract èn suttamessas al dretg svizzer.